



# ქალაქ თბილისის მუნიციპალიტეტის მერი



ბრძანება № 1-21

„ 23 „ იანვარი 2018 წ.

ქალაქ თბილისის მუნიციპალიტეტის მერიის მიერ სოციალურ ქსელ „ფეისბუქზე“ ქალაქ თბილისის მუნიციპალიტეტის მერიის საქმიანობასთან დაკავშირებით განთავსებული ინფორმაციისა და აქტივობების რეკლამირების (დასპონსორების) მომსახურების სახელმწიფო შესყიდვის გამარტივებული შესყიდვის საშუალებით განხორციელების შესახებ

ქალაქ თბილისის მუნიციპალიტეტის მერიის მიერ სოციალურ ქსელ „ფეისბუქზე“ განთავსებული საზოგადოებისთვის მნიშვნელოვანი ინფორმაციის გავრცელებისა და მისი ხელმისაწვდომობის გაზრდის მიზნით საჭიროა განხორციელდეს ქალაქ თბილისის მუნიციპალიტეტის მერიის საქმიანობასთან დაკავშირებული აქტივობების რეკლამირების მომსახურებით სარგებლობა 2018 წლის 31 დეკემბრამდე. აღნიშნული მომსახურების ექსკლუზიური მომწოდებელია სოციალური ქსელი „ფეისბუქი“. საქართველოს ორგანული კანონის ადგილობრივი თვითმმართველობის კოდექსის 73-ე მუხლის მე-2 პუნქტის „კ“ და „პ“ ქვეპუნქტების, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ა“ ქვეპუნქტის, 3<sup>3</sup> პუნქტის, 21-ე მუხლის 1<sup>1</sup> პუნქტის „ბ“ ქვეპუნქტისა და „ქალაქ თბილისის მუნიციპალიტეტის 2018 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2017 წლის 15 დეკემბრის N6-8 დადგენილების მე-13 და მე-14 პუნქტების საფუძველზე.

ვბრძანებ:

1. დაევალოს ქალაქ თბილისის მუნიციპალიტეტის მერიის მუნიციპალური შესყიდვების საქალაქო სამსახურს, ქალაქ თბილისის მუნიციპალიტეტის მერიის ადმინისტრაციის მიერ წარმოდგენილი მოთხოვნის შესაბამისად, სახელმწიფო შესყიდვის გამარტივებული შესყიდვის საშუალებით განხორციელება შეათანხმოს საჯარო სამართლის იურიდიულ პირთან - სახელმწიფო შესყიდვების სააგენტოსთან და უზრუნველყოს სახელმწიფო შესყიდვის განხორციელებისთვის აუცილებელი სხვა ღონისძიებების გატარება.

2. ამ ბრძანების პირველი პუნქტის შესაბამისად, თანხმობის მიღების შემდგომ, დაევალოს ქალაქ თბილისის მუნიციპალიტეტის მერიის ადმინისტრაციას, სოციალურ ქსელ „ფეისბუქზე“ ქალაქ თბილისის მუნიციპალიტეტის მერიის საქმიანობასთან დაკავშირებით განთავსებული ინფორმაციისა და აქტივობების რეკლამირების (დასპონსორების) მომსახურების სახელმწიფო შესყიდვის განხორციელება გამარტივებული შესყიდვის საშუალებით.

3. დაევალოს ქალაქ თბილისის მუნიციპალიტეტის მერიის საფინანსო საქალაქო სამსახურს:

ა) 2018 წლის 31 დეკემბრამდე, ქალაქ თბილისის მუნიციპალიტეტის მერიის ადმინისტრაციის მოთხოვნის საფუძველზე, ამ ბრძანების მე-2 პუნქტით განსახორციელებელი შესყიდვისთვის განკუთვნილი თანხის გადატანა საამისოდ გახსნილ სპეციალურ მიზნობრივ ანგარიშზე ქალაქ თბილისის მუნიციპალიტეტის 2018 წლის

ბიუჯეტის პროგრამით „საზოგადოებისათვის მნიშვნელოვანი ინფორმაციის გავრცელება“ (კოდი: 07 02 04) გათვალისწინებული ასიგნებებიდან;

ბ) კანონმდებლობით გათვალისწინებული გადასახადების გადახდა ქალაქ თბილისის მუნიციპალიტეტის მერიის ადმინისტრაციის მოთხოვნისა და მის მიერ წარმოდგენილი შესაბამისი დოკუმენტაციის საფუძველზე.

4. კონტროლი ბრძანების შესრულებაზე დაევალოს ქალაქ თბილისის მუნიციპალიტეტის მერიის ადმინისტრაციის უფროსს ვლადიმერ ჭილაძეს.

5. ამ ბრძანების გასაჩივრება დაინტერესებული მხარის მიერ შესაძლებელია მისთვის ბრძანების გაცნობიდან ერთი თვის ვადაში, თბილისის საქალაქო სასამართლოში (მისამართი: ქ. თბილისი, დავით აღმაშენებლის ხეივანი, მე-12 კმ. N6), საქართველოს კანონმდებლობით დადგენილი წესით.



კახა კალაძე